

Na osnovu članka 16. stavak 2. Zakona o Vladi Zeničko-dobojskog kantona - Pročišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 45. sjednici održanoj dana 26.02.2016. godine, d o n o s i

ZAKLJUČAK

o prihvatanju prijedloga i davanju suglasnosti za pregovaranje o granskim kolektivnim ugovorima u Federaciji Bosne i Hercegovine

I.

Vlada Zeničko-dobojskog kantona prihvata prijedlog sa sastanka održanog 17.2.2016. godine u Sarajevu, između Vlade Federacije BiH i predstavnika Vlade Zeničko-dobojskog kantona, Vlade Unsko-sanskog kantona, Vlade Kantona 10, Vlade Zapadnohercegovačkog kantona, Vlade Hercegovačko-neretvanskog kantona, Vlade Srednjobosanskog kantona, Vlade Sarajevskog kantona, Vlade Tuzlanskog kantona, Vlade Bosnsko-podrinjskog kantona i Vlade Posavskog kantona, o predlaganju ovlaštenih predstavnika Vlade Zeničko-dobojskog kantona za proces pregovaranja o novim granskim kolektivnim ugovorima, s jedne strane sa Vladom Federacije BiH i predstavnicima reprezentativnih sindikata područja djelatnosti, odnosno reprezentativnog sindikata državnih službenika i namještenika, javnih ustanova i drugih proračunskih korisnika, osnovanih na teritoriji Federacije BiH, odnosno području jednog ili više kantona, na razini Federacije Bosne i Hercegovine, s druge strane.

II.

Ovlašćuje se:

1. Mirnes Bašić, ministar Ministarstva za pravosuđe i upravu Zeničko-dobojskog kantona da u ime Vlade Zeničko-dobojskog kantona kao predstavnik mjerodavnog ministarstva sa Vladom Federacije BiH kao jedne ugovorne strane u granskom kolektivnom ugovoru, može pregovarati sa ovlaštenim predstavnikom reprezentativnog sindikata o Kolektivnom ugovoru za službenike i namještenike organa uprave i sudske vlasti u Federaciji Bosne i Hercegovine.
2. Mensur Sinanović, ministar Ministarstva za obrazovanje, nauku, kulturu i sport Zeničko-dobojskog kantona da u ime Vlade Zeničko-dobojskog kantona kao predstavnik mjerodavnog ministarstva sa Vladom Federacije BiH kao jedne ugovorne strane u granskom kolektivnom ugovoru, može pregovarati sa ovlaštenim predstavnikom reprezentativnog sindikata o Kolektivnom ugovoru za djelatnost osnovnog obrazovanja u Federaciji Bosne i Hercegovine i Kolektivnom ugovoru o djelatnostima srednjeg obrazovanja u Federaciji Bosne i Hercegovine.
3. Dragoljub Brenjo, ministar Ministarstva zdravstva Zeničko-dobojskog kanton da u ime Vlade Zeničko-dobojskog kantona kao predstavnik mjerodavnog ministarstva sa Vladom Federacije BiH kao jedne ugovorne strane u granskom kolektivnom ugovoru, može pregovarati sa ovlaštenim predstavnikom reprezentativnog sindikata o Kolektivnom ugovoru o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine.

4. Nikola Arsenić, ministar Ministarstva unutarnjih/unutrašnjih poslova Zeničko-dobojskog kantona, da u ime Vlade Zeničko-dobojskog kantona kao predstavnik mjerodavnog ministarstva sa Vladom Federacije BiH kao jedne ugovorne strane u granskom kolektivnom ugovoru, može pregovarati sa ovlaštenim predstavnikom reprezentativnog sindikata o Kolektivnom ugovoru za policijske službenike.
5. Nurdžehan Šahinović, ministar Ministarstva rada, socijalne politike i izbjeglica i Andrej Kajić, ministar Ministarstva financija Zeničko-dobojskog kantona, da naprijed navedenim ovlaštenim pregovaračima predstavnicima Vlade Zeničko-dobojskog kantona pružaju stručnu i tehničku pomoć u pregovorima i u implementaciji postignutog pregovaranjem.

III.

Ovlašćuje se Vlada Federacije Bosne i Hercegovine da u ime Vlade Zeničko-dobojskog kantona koordinira i vodi pregovore usklađivanja granskih kolektivnih ugovora iz oblasti zdravstva, obrazovanja, unutarnjih poslova i državnih službenika i namještenika.

IV.

Ovaj Zaključak stupa na snagu danom donošenja.

Broj: 02-_____ /16.

Datum, 26.02.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za pravosuđe i upravu,

1x Ovlaštenim,

1x Vlada Federacije Bosne i Hercegovine, putem ministarstva,

1x U pismohranu.